

近代中國史料叢刊續編第八十九輯
沈雲龍主編

皇朝政典類纂
席裕福
沈師徐輯

市易一

文海出版社
有限公司
印行

近代中國史料叢刊續編第八十九輯
沈雲龍主編

皇朝政典類纂

席裕福
沈師徐輯

市易二

文藻出版社
有限公司
印行

皇朝政典類纂

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



皇朝政典類纂卷一百十三

市易一

權量尺秤法 均升斗斛 中外權度

一部存鈔斗鐵升由工部照倉場鐵斗鐵升鑄造存貯大庫以備權量

一修造斗斛均令呈報倉場待部較準龍烙火印備有不呈報較對烙印即行私用者職事究治以上並刑

例

順治五年定戶部較準斛式照式造成發坐糧廳收糧會典事例

又定工部鑄鐵斛二張一存戶部一費倉場侍郎再造木斛十二張頒發各省會典事例

十年製鐵斛頒發倉場悉為定式通考

十一年諭徵收錢糧各督撫嚴飭有司務遵部頒較定法馬有私自加者不許稽查會典事例

十二年題准較準倉斛容積之數鑄造鐵斛存貯戶部備式頒發倉場待部清編總督向省布政使司各一亦

政使照式轉發糧道各倉官較準收糧會典事例

十五年題准各關量船秤貨務使秤尺準足不得任意輕重長短通考

十七年覆准凡起解錢糧令管解官面驗部頒法馬左右分兌以杜私弊會典事例

康熙元年題准直省尺斗戥秤均照部頒前式畫一遵行違制者究職會典事例

又題准較準新造法馬通行內外衙門遵用會典事例

市易一 權量

六年初准徵收糧稅務遵順治十二年部頒鐵斛如年久口面凹損即請重鑄新斛頒發仍將舊斛送部如有參差互異苦累軍民者將經管官指參解送請解遲延及破損遺失者議處會典事例

四十三年勅部造鐵斛升斗頒發直省先是上諭大學士九卿等曰各省民間所用斗斛大小各別此皆牙儉平價之人牟利所致又升斗面寬底窄若少尖量即致浮多相平量即致虧少弊端易生職此之故嗣後直隸各省斗斛大小應作何畫一其升斗式樣可否底面一律平準至盛京金石斗關東斗亦應否一併畫一

爾等議奏於本年五月大學士九卿議查順治五年戶部將供用庫舊存紅斛與通州鐵斛較紅斛大鐵斛小將紅斛減改承為斛式順治十二年鑄造鐵斛二十具一存戶部一貯倉場直隸各省皆發一具今應令工部

照部中鐵斛鑄造七具分發盛京順天府五城外其升斗俱改底面一律平準各造三十具分發直隸各省永遠遵行盛京金石斗關東斗皆停其使用從之至是復諭大學士及戶部尙書等曰戶部呈樣之斛

與升斗朕俱注水詳加測量其樣升上下四角寬窄不均算積數見方得三萬一千三百八十二分有零其樣斗上下四角寬窄亦不均算利改見古得三十一萬六千七百六十四分有零其樣鐵斛算積數見方得一百

六十萬分其數不相符查性理大全嘉量篇第十二內每斛積一百六十二萬分與今之鐵斛較多二萬分因鐵斛用之已久不可輕改是以依今之鐵斛五斗為準造新樣斗一具方徑八寸深五寸積數見方得三十二

萬分又造新樣升一具方徑四寸深二寸積數見方得三萬二千分若依此樣十升一斗五斗一斛毫釐不差諭畢因出新樣銅斗升付戶部堂官等令照式以鐵為之通考

又題准各衙門發出倉糧均應照部頒鐵斛其坐糧廳收兌漕糧進京倉者每石加耗二斗五升進通倉者每

石加耗一斗七升尚用加一五加一七紅斛連正耗米同收以省量算之煩應仍照舊例會典事例

四十五年覆准陝西徵收糧米支放兵餉均用永豐倉斗較之部頒斗斛每石浮多三斗應令照依舊斗之數以部斗收支停用舊斗會典事例

五十二年 御製律呂正義度量衡通考 詳見樂門 謹按權量與律呂相表裏故通考依馬氏舊例以

權量入樂今折其更於交易者入此類其精理精蘊則仍入樂制門云

御製數理精蘊度量衡表

營造尺 以分兩定尺寸之準

赤金一十六兩八錢 白銀九兩

紅銅七兩五錢 黑鉛九兩九錢三分

各鑄為寸方高廣六面悉均皆可得部頒營造尺一寸

法馬形圓以寸法定輕重之準

赤金方寸 白銀方寸

紅銅方寸 黑鉛方寸

與前分兩相符即得部頒法馬等秤輕重之準

鐵升斗斛形方以寸法定容積之準

升方三十一寸六百分

皇明政典 卷一百一十三 禮部 一

斗方三百一十六寸

斛方一千五百八十寸

兩斛爲石方三千一百六十寸

如爲升而方三寸深三寸五分一釐爲斗面底方六寸五分深七寸四分七釐九毫爲斛面底方一尺深一尺五寸八分爲十斗斛面底方一尺四寸深一尺六寸一分二釐皆與右寸數相符卽得部頒鐵升斗斛容量之準

附錄康熙年間胡煦請釐定制度疏伏見我皇上自御極以來凡一切利民之事罔不興舉一切病民之事罔不剔除業已周詳盡善第念古之帝王稱盛治致隆理者莫不奉道以爲樞衡故其創制立法亦皆有深意存乎其中今觀三重之道以考禮制度爲先而萬國遵行惟一道同風爲盛故成周初政遂有謹權量審法度之文而月令所頒亦明著角斗甬正斛槩之事蓋法度不一則商賈或迷於所往而奸人罔法皆得黷然各遂其私恐非使之必尊必信必從之深意也臣謹按各省之斗斛有以十二筭爲一斗者有以十三四筭十七八筭及三十六筭而始爲一斗者是多寡之在各省原不一其量也又按各省之斛秤有蘇法廣法之不同其秤亦有十四兩十六兩十八兩二十四兩之不同是輕重之在各省原不一其衡也又按各省之尺度有以兩手爲一尺者有以三手爲一尺者又有以一度爲一尺者又有直立於此伸手掣布定而上之俟其下垂至地始爲一尺者是長短之在各省原不一其制也且非特省殊制異也雖在一省已先不能齊而一之臣愚法制不彰恐非所以立無外之模示建中之極將愚賤之信從亦

無自而定矣請 勅下該部酌量多寡輕重長短大小之宜定爲一成不易之制頒發直省務使家守其
程戶遵其度薄海內外罔不傾心懍志於 國家之盛制於以鼓守典奉法之心敢道一同風之盛將遵
王之道順帝之則未必不由制器尙象中振興而激勸之也經世文編

雍正五年題准供用庫蓄存紅斛與 州鐵斛較擊紅斛甚大鐵斛甚小酌量將紅斛減改永爲斛式會典事
例

又 諭覽福建總會高其倬奏稱各處彈兌錢糧之法馬一以部頒法馬爲準福建各屬收解錢糧輕重不等
布政司庫止有部發法馬一副彈兌紛繁將銅磨去分數漸輕及至不準之時咨部另發往返需時而布政使
日日彈兌雖知法馬不準不得不暫且彈用似屬未便請將部法一樣發出二副一副存庫一副應用循環繳
換又云督撫及鹽法糧儲二道皆錢糧總司亦請各發部法遵用等語高其倬此奏注閩鄙瑣失體之法部中
所頒法馬乃輕重合宜之式樣如所頒鐵斛一例之事各省布政使自然照此式樣較準不失毫釐製成法馬
日日彈用並令閩屬地方畫一遵奉其或有出納之際加重減輕者皆當嚴查比較參處此乃經常之道豈有
錢糧總匯之布政司出納繁多專以法馬一副日日彈用以致銅質銷磨輕重失實之理且部中循環更換亦
不勝其繁有同兒戲高其倬迂闊若此宜乎福建各屬收解錢糧輕重不等如奏摺所云也閩省如此或他省
亦有照此彈用者著該部將朕諭旨通行各省知之倘有如閩省因一副常用將銅磨輕與原頒分兩不符者
可咨部請另頒給雍正內閣 上諭

八年題准各糧道據斛原與部頒鐵斛較準飭發但用木板製造日久朽敝不無參差亦照布政使司之例將

擲斛斛額發各種運承遵行會典事例

十一年議准法馬由部審定輕重工部鑄造各布政使司遣官赴領戶部司官與工部司官面加詳較將正副法馬封交赴領官齋回各布政使將部頒副法馬收貯行用正法馬如正法馬年久與副法馬輕重不符卽用副法馬彈兌以正法馬送部換鑄虛捏不符者交部議處部頒法馬由一分至九分一錢至九錢一兩至十兩二十兩三十兩五十兩一百兩二百兩三百兩五百兩正副各一副 會典事例

又議准各布政使司錢糧解部者將部頒法馬封交解官齋部庫官將庫存原法馬較準合一然後兌收如有短少將解官參處勒追備將法馬私行改鑄者按律治罪或庫官故爲輕重任意勒索亦查明嚴參 會典事例
又議准各省布政使將州縣鑄造正副法馬與部頒法馬較準呈巡撫驗明發回州縣錢糧解司時將副法馬印封齋司較對兌收如有故爲輕重任意勒索者卽行題參 會典事例

又議准各處雜項銀均以市平交納每千兩較庫平少三十六兩應照依庫平折算兌收 會典事例

十二年奏准八旗收發銀照戶部庫平製造法馬分給其各佐領下亦照庫平設立準戲以發兵餉 會典事例
乾隆三年奏准各倉存貯糧米向例以算法二五駁算每多錯誤嗣後以積方之法酌定二年以內見方一尺照三斗一升六合之法三年以外者每見方一尺照三斗四升之法其二年以外三年以內者每見方一尺照三斗二升八合之法丈算鑄造鐵尺分交戶部倉場並各倉嗣後均照此尺丈量折算如違參究 會典事例

又奏准每倉造具鐵斛一張作爲樣斛各旗委放米之員以木斛較對樣斛兌發以木樣打平嚴禁賒箕歪量之弊 會典事例

五年奏准各倉木斛三斗一次建造於解通板木內取用工匠鐵葉每張給銀七錢於通濟庫銀內支用會典

又議准各倉所用收放米斛每晚隨廩封貯次早驗封給發通倉由倉場侍郎查驗京倉由倉場御史查驗如
與部頒鐵斛稍有盈縮飭令隨時修整會典事例

八年議准嗣後有漕各省兌收漕糧及漕艘抵通起卸併京通各倉收放米石俱一律遵用新頒小口斛式毋
得參差互異以昭畫一會典事例

九年 高宗純皇帝得東漢嘉量圓形較其度數中今太簇又考唐張文收作嘉量方形乃仿其遺制用今律
度 御製嘉量方圓各一範銅塗金掌之工部陳之 殿廷其上為斛其下為斗左耳為升右耳為合合其重
二鈞聲中黃鍾之宮 親為之銘曰 皇子 聖祖建極憲天度律均鐘洞契元聲微顯闡幽何天衢亨小子
續緒寰區撫臨協時月正日同律度量衡製茲法器列於大廷匪作伊述 大猷敬承遵鍾得度率度量成量
為權輿律諧六英猗 聖合 天 天心聖明七政是齊為萬世法程如衡無私如權不凝如度制節如量祇
平律得環中終 天明命永寶用享子孫繩繩我日斯邁而月斯征中元甲子乾隆御銘會典事例

古今度量衡比例法乾隆九年

律尺十寸為營造尺八寸一分置律尺之數以八十一乘之或九因二次得營造尺之數置營造尺之數以八
十一除之或九歸二次得律尺之數其長皆相等

營造尺十寸自乘得一百寸律尺當營造尺八寸一分自乘得六十五寸六分以此為比例率置律尺羅

數以六十五寸六十一分乘以百寸除之得營造尺髹數置營造尺髹數以百寸乘以六十五寸六十一分除之得律尺髹數其髹皆相等營造尺十寸自乘再乘得一千寸律尺當營造尺八寸一分自乘再乘得五百三十一寸四百四十一分以此為比例率置律尺積數以五百三十一寸四百四十一分乘以千寸除之得營造尺積數置營造尺積數以千寸乘以五百三十一寸四百四十一分除之得律尺積數其積皆相等置律尺權法重數以五百三十一寸四百四十一分乘以一千寸除之得今戶部權法重數置今戶部權法重數以一千寸乘以五百三十一寸四百四十一分除之得律尺權法重數亦相等

律尺斛十斗為營造尺方八百六十寸九百三十四分四百二十釐今戶部量法一斗為營造尺方三百一十大寸以今斗積除律尺斛積得二斗七升二合四勺以此為比例率置律尺量法容數以二斗七升二合四勺乘以十斗除之得戶部量法容數置戶部量法容數以十斗乘以二斗七升二合四勺除之得律尺量法容數其積亦相等

今官民度量衡比例率 乾隆九年

營造尺八寸一分為律尺一尺

裁衣尺九寸為營造尺一尺

裁衣尺七寸二分九釐為律尺一尺

律尺一尺二寸三分四釐五毫為營造尺一尺

律尺一尺三寸七分一釐七毫為裁衣尺一尺

戶部倉斛十二斗五升爲洪斛十斗

洪斛八斗爲倉斛十斗

關東斗五斗爲倉斛十斗

關東斗六斗二升五合爲洪斛十斗

倉斛二斗七升二合四勺爲嘉量十斗

洪斛二斗一升七合七勺爲嘉量十斗

關東斗一斗三升六合二勺爲嘉量十斗

部法五兩三錢一分四釐四毫爲律法十兩

京市法五兩四錢七分三釐八毫爲律法十兩

錢法五兩五錢八分零一毫爲律法十兩

京市法十兩二錢爲部法十兩

錢法十兩五錢爲部法十兩以上並通考

三十一年議准各倉所用木斛放米之日每晚封貯厥內次早驗封給發通倉由倉場侍郎查驗京倉由都統

御史查驗務使木斛與鐵斛相準稍有盈絀隨時修整會典事例

四十一年議准直省各營發餉法馬由督撫提鎮布政司會較鑄記飭發行用以杜輕平會典事例

五十二年覆准各省司道鹽政關差等處請領部頒正副法馬鑄正法馬日久不符將不符之正法馬委員送

部換鑄以副法馬彈兌不得將正副法馬一同請換會典事例

五十七年議准小販赴河東買鹽與坐商自相交易毫無憑準易起爭端應令仿照舊式由河東道印烙另製官秤三杆給發中東西三場斗給收執凡商販交易以此秤為準原秤貯庫備較會典事例

嘉慶十年奉旨據緞布奏平兌撥解盛京銀兩並無短缺情形一摺此項部庫廣儲司兌發銀兩富俊等因不知部庫每銀千兩例扣平餘銀二兩及盛京銀庫法馬每銀千兩較部庫廣儲司加重二兩是以疑有短缺並認認此項銀兩作為永遠存貯礙難交代奏請派員平兌倘係為慎重帑項起見現緞布等彈兌覈算並無短缺所有此項銀兩即交該將軍等留為支放兵餉之用毋庸入於永遠存貯項下至法馬分兩原應輕重一律平兌方無舛錯今盛京銀庫法馬較部庫法馬每千兩重至二兩且聞吉林黑龍江法馬較盛京尤重似此參差不齊於出納勾稽殊有關繫所有盛京黑龍江吉林等處法馬著即撤回工部查銷該部另將較準法馬頒給以歸畫一會典事例

道光三十年諭內閣奉天沒溝營田莊臺等處為糧商囤聚之所有匪徒把持行市設立私斗前經奉旨交該將軍等查議裁汰未據確實覆奏實屬延緩著該將軍等迅將如何緝私納課之處遵照前旨據實具奏 聖訓

同治九年諭內閣御史鄧慶麟奏直隸永平府屬撫甯等處所用斗斛以底作口惡級奸商藉此從中漁利請飭查禁等語著直隸總督嚴飭永平府屬之撫甯盧龍等縣地方所用斗斛務當遵照部頒定式俾歸畫一至各直省如有不遵定制擅用私斗情弊並著各該督撫查明一體嚴禁以符定制 聖訓

馮桂芬壹權量議曰虞書曰同律度量衡論語曰謹權量古帝王皆視爲開國成務之大端卽商君治秦尙知平斗桶權衡丈尺屢政李斯亦以度量明壹爲兢兢今度則有工部尺匠尺之別衡則有庫平曹平二兩平等之別各省又有市尺市平量更各省不同其不壹甚矣宜合天下度量衡而壹之卽頒鐵尺鐵斤鐵斛進行各處省從前諸名目不得復用用者以違制論凡內外官上下行文書之外如一切試卷尺寸行數字數咸宜一律以示整齊亦平天下之一端也顯志堂集

右尺秤法馬汁斗斛

英約第二十四款日斯巴尼亞約第三十款同

一秤碼丈尺均按照粵海關部頒定式由各監督在各口送交領事官以昭畫一

噶喇吧約第十二條

一噶喇吧國等各口領事官處應由中國海關發給丈尺秤碼各一副以備丈量長短權衡輕重之用卽照粵海關部頒之式蓋戳錫字五口一律以免參差滋弊

法約第二十六款

凡通商各口海關均有部頒秤碼丈尺等項應照造一分比較準確送與領事官署收存輕重長短一與粵海關無異每件鑄戳粵海關字樣有鈔餉各銀輪納中國者俱依此秤碼兌交如有秤丈貨物爭執卽以此式爲準

布約第二十八款比約第二十六款同

凡通商各口海關監督官須有部頒秤碼丈尺等項一副送與領事官署存留其輕重長短一與粵海關無異所有鈔稅各銀輸納中國者俱依此秤碼兌交如有秤丈貨物爭執卽以此式爲準

丹約第三十三款 義約第三十三款同

一秤碼丈尺約准均按照粵海關部頒定式由各監督送交各口領事官收用又准該秤碼等項其分量均照續定通商章程第四款爲例

日斯巴尼亞約第三十款 同英約第三十四款

比約第三十六款 同布約第二十八款

義約第三十三款 同丹約第三十三款

奧約第三十二款

秤碼丈尺約准按照粵海關部頒定式由各監督送交各口領事官收用所有鈔稅各銀輸納中國者俱依此秤碼兌交如有秤丈貨物爭執卽以此式爲準並秤碼等項其分量均照續定通商章程第四款爲例以

免歧異

葡約第四十一款

一秤碼丈尺均按照粵海關部頒定式由各監督在各口送交領事官以昭畫一

以上各國通商條約 互見洋關稅則條約門

英通商章程第四款 美丹比通商章程第四款同

一凡有稅則內所算輕重長短中國一擔即係一百觔者以英國一百三十三磅零三分之一為準中國一丈即十尺者以英國一百四十一因制為準中國一尺即英國十四因制又十分因制之一英國十二因制為一幅地三幅地為一碼四碼欠三因制即合中國一丈均以此為例

美通商章程第四條同英通商章程第四款

法通商章程第四款 義通商章程第四款同

一凡有稅則內所算輕重長短中國一擔即係一百觔者以法國六十吉羅萬稜零四百五十三萬稜零為準中國一丈即十尺者以法國三邁當零五十五桑的邁當為準中國一尺即法國三百五十八密理邁當均以此為例

布通商章程第四款 奧通商章程第四款略同

一凡有稅則內所算輕重長短中國一擔即係一百觔者以布國暨德意志公會各國一百二十磅賦二十七磅賦一咕噠賦八噠賦即法國六十吉羅萬稜零四百五十三萬稜零是為中國一百觔中國一丈即十尺者以布國暨德意志公會各國十一呖嘶三昨哩零九分即法國三邁當零五十五桑的邁當是為中國一丈中國一尺即布國十三因制零七分即法國三百五十八密理邁當照此為例

丹通商章程第四款 同英通商章程第四款

比通商章程第四款 同英通商章程第四款

義通商章程第四款 同法通商章程第四款

奧通商章程第四款同布通商章程第四款十三因制零七分之二三百五十八密理遇當之八俱作五

以上各國通商章程 互見海船通商章程門

核定各項船鈔分別征免章程

總理衙門咨前因船鈔分別辦理一事經本衙門擬定章程二條照會各國並咨行查照在案今據總稅務司赫德申稱竊查洋商船隻完納鈔課原應劃一辦理始為允協惟其間應征應免各事非但各國條約本有不同即善後所添章程亦多零星未能齊楚且有隨時更改因時制宜情補文件以致條款重複章程紛雜擬議不一其勢實難一律遵行茲將條約章程善後條款並往來文件詳加核對復以各口情形各關辦法細為比較總分諸各條核存備各款作成各關征免洋商船鈔章程十一款彙訂清單即煩核奪轉飭遵行以免紛歧而歸劃一等因前來當經本衙門將該總稅務司所擬各條詳加查核似尚周妥除由本衙門照會各國公使並札知總稅務司轉飭遵照外相應抄錄章程十一條咨行轉飭各關一體照辦同治九年十一月十四日咨沿海各省

各關征免洋商船鈔章程

一洋商船隻應納鈔課一百五十噸以上每噸納鈔四錢一百五十噸正及應納鈔其執有四個月專照者倘係向常運貨物來往若遇專照應銷之日雖係祇搭客進口仍應照四個月之例納鈔辦理

一凡有公司輪船其由某國立定合同設傳文備按期定數由外國來往外國者各關所給之四個月專照照即可勿用指定某船收執緣此項船隻有時抵充來往皆係公司按期出口之船即按其已納一次之

鈔免四個月之鈔計算凡有該公司另項輪船進口並非抵額設等船之用者不在此例仍應按某船進口某船完鈔辦理試辦再議

一凡有商船收口躲避者其進口時須由領事官行文知照海關並將其末後出口單送關查閱以資稽查該船須遵守該口一切章程由關擇定停泊處所不致與另項貿易船隻日行事宜有所窒礙並隨時派差看守倘係外國來者則應按約免征船鈔放行倘係來自通商別口執有四個片專照者則計在口內躲避日期應扣除核算由該關註明專照放行惟該船除應修理方准照章起貨暫時存棧外其餘各船若係空船進口仍須空船出口若係裝貨進口仍須原船原貨出口凡有收口後在本口起卸貨物或零裝貨物販運出口者自應照約完納船鈔仍由該關查明有無專照進口按躲避日期核算辦理

一凡有往他口之輪船因煤炭燒完進此口買煤炭而復行者該船實非搭客進口在口內並無起貨下貨等事自應按躲避收口例免征其鈔放行至一百五十噸以下每噸納鈔一錢惟各國噸數拉司數大小多寡不同而各關以英噸為准則應照後開泰西一千八百六十五年及在噶拉所立之核算清單辦理

俄國噸數拉司 乘以一百零八 一百八十九 除以一百 其數為英噸

奧國噸數 乘以八十二 除以一百 其數為英噸

法國噸數 乘以一百 除以一百 與英噸同

意國噸數 乘以八十九 除以一百 其數為英噸

土耳其噸數 乘以一百 除以六千一百五十三 其數為英噸

布國拉司 乘以一百十五 除以一百 其數為英噸

美國噸數 乘以一百 除以一百 與英噸同

比國噸數拉司 乘以九十五一百八十一 除以一百 其數為英噸

伯嘉門拉司 乘以一百八十九 除以一百 其數為英噸

丹國拉司噸數 乘以一百九十六一百零二 除以一百 其數為英噸

日國噸數 乘以一百 除以一百 與英噸同

希國噸數 乘以七十六 除以一百 其數為英噸

昂布耳拉司 乘以二百二十五 除以一百 其數為英噸

漢諾威噸數拉司 乘以九十八二百二十五 除以一百 其數為英噸

荷蘭國噸數拉司 乘以八十九一百七十五 除以一百 其數為英噸

律伯克拉司 乘以一百八十九 除以一百 其數為英噸

模台布爾額噸數拉司 乘以一百零九二百四十四 除以一百 其數為英噸

挪爾為國噸數拉司 乘以九十八二百零八 除以一百 其數為英噸

阿爾敦布爾額拉司 乘以一百五十 除以一百 其數為英噸

合一國噸數 乘以一百 除以一百 與英噸同若係噶拉基

羅乘以一百除以四百八十二若辦拉基羅乘以一百除以三百零一

瑞國噸數拉司

乘以一百零三一百九十八除以一百

其數為英噸

一各國商船港口尚未開船欲行他往者限二日之內赴關報明則出口時不征船鈔倘逾二日之限即須全數輸納若未逾二日之限始領開船准單即須當時輸納船鈔

一各國商船出口欲往通商他口並香港呂宋安南日本呢喇來業福斯克等處該船主赴關報明由關發給專照自領江單之日起以四個月為期如係往以上所指各口者其復進通商口岸時如在限內仍毋庸另行納鈔

一各國商船准赴各關請由該關派人度量其船再照所算之噸數納鈔由發給量船執照為憑此等船出口時無論赴何地何處均須自領紅單之日起以四個月為期復在通商口岸往來毋庸另納船鈔凡遇進口時應將量船執照呈關查驗以便各關征鈔之事得以畫一辦理試辦再議

一凡通商口岸洋商自用艇隻運帶客行李書信銀物及例不納稅之物勿庸完鈔倘帶例應完稅之貨其船在一百五十噸以上者則每四個月納鈔一次每噸銀四錢惟由他國所來之船進口雖係搭客未裝貨物仍納鈔者其牌內註明煤艙及內輪器具各處之噸數均應免納

一凡有洋商僱用內地船隻在長江一帶運貨者該船到關仍照內地船隻完納船料若在沿海各口來往者其船在一百五十噸以下者即應每四個月納鈔一次每噸銀一錢

一通商各口凡有拖帶船隻之輪船均應每逢四個月按其噸數納鈔一次
一凡引水之船自與商船有別准照引水章程免納船鈔來往

日國商定噸數章程

總理衙門咨同治十一年九月初二日據總稅務司申稱日國商船噸數既有與英國不同之說應議訂善法轉飭照行等語當經本衙門札飭總稅務司會同日國大臣妥議辦理本年四月十八日准日國丁署大臣函送章程六條又經本衙門札行總稅務司詳核辦理茲據總稅務司申稱本年三月晤丁署大臣將噸數商訂署大臣擬章程五條與總稅務司原章相同現在函送章程六條即係所商五條之意應請轉飭照辦章程內尙有應削之處另條漢文以爲注釋仍依原件爲定等因前來相應抄錄日國丁使函送章程六條並總稅務司覆註章程五條一併咨行轉飭各海關一體查照辦理同治十二年五月

照錄日國噸數章程六條

第一款云凡日國船進中國海口時理船廳丈量噸數按照英國丈量爲準照數完鈔以符約制

第二款云凡量船之事新關不得與承辦之人和船主另取稅課使費

第三款云凡一船之中容艙臥艙照量噸數均納船鈔惟貯煤之艙與火輪之處不得納稅

第四款云理船廳量船之後發給憑單與船主收執或在本口通商抑或赴中國沿海一帶通商各口所到之處驗看憑單以免再行丈量兩相有益

第五款云丈量之後或給執照如若本承辦之人查丈量之數目內有舛錯不敷之處准其該船派委理事一人自備薪費會同理船廳之人商辦

第六款云以上各條章程即行通商各口照章辦理至一千八百六十四年十二月三十一日爲止俟到

彼時再行商辦

照錄赫總稅司所擬噸數章程五條

第一款云凡日斯國商船進中國通商口岸應由理船廳按英國量法量其船以便照所得之噸數完納船鈔量船時勿庸由船商出量船經費

第二款云凡量船後即由該關發給噸數執照該船執領日後前往通商各口均憑此執照辦理勿庸復行量船

第三款云凡船艙內大廳小房等處均應量計噸數照納船鈔惟其機器艙以及裝自用煤炭之艙應按通行之例准行免鈔

第四款云凡量船之時若船商不以理船廳所量之數為然准船商另延請量之人會同理船廳量船共訂其數惟其另延人量船之經費須船商自出

第五款云凡以上各章應由通商各口即行開辦至泰西一千八百七十四年遂為止其或更章或另有善法統俟彼時再議

又咨同治十三年十月十七准稅司申稱奉鈞札內開准丁署大臣照稱去年五月議定船鈔一事五款之內各條均係公道現在本國各船主願由此接連辦理等因相應抄錄照會札行總稅務司查核中覆等因查去年議定五條係應由理船廳量其商船勿庸令出經費若船商願另延人會同量船其經費須其自出量後由關發給執照各口均憑辦理將機器及自用煤炭之艙應按通行例免鈔各等語總稅司細譯此章

本無不合茲丁壽大臣既以此章爲公道願接連辦理自無不可之處備文申覆前來轉飭各口一體查照辦理同治十三年十月咨南北洋 以上通商章程成案彙編 互置洋關稅則船鈔門
右中外權度

皇朝政典類纂卷一百十四

市易三

內地貿易成例

太祖高皇帝丁亥年與明通市於撫順清河寬奠驪陽四關口是時上招徠各路國勢日盛明亦遣使通好歲以金幣聘問我國所產裘珠人參紫貂元狐獾狸獾諸珍異之物於撫順清河寬奠驪陽四關口互市以通商賈通考 互見關稅門

順治元年定貿易人參例諭戶部比因東來之人借鬻人參名色擾害地方特行嚴察究治但小民恃貿易爲生未便禁止惟當設立科條使之遵守以後人參止許於南京揚州濟寧臨清四處開肆貿易一應滿漢人民或商或賈各聽其便僱市易不平致行搶奪以及虧值勒買等項地方官卽執送京師治罪通考

六年申定貿易人參人科條嗣後止許在京均平市易永爲定例通考

八年停止陝西買辦皮張通考

又定山西解潞絀例先是山西長治高平二縣歲織潞絀三千匹至是頒定式樣每匹長五丈闊二尺五寸酌定價銀十三兩歲織一千四百七十九匹通考

十三年戶部以江南採買布匹粗惡令入覲官帶回另買詔以發回另買恐致累民令該部將解到布匹酌議價值另用通考

康熙六年議減山西大潞絀一百匹改織小潞絀四百匹長三丈闊一尺四寸通考

七年定河南布花價值折解之令時河南巡撫張自德以折解布花價值數目具奏有旨令戶部核議減折尋議准照每年時價折解如有冒徵侵蝕之弊該撫指名題參通考

九年議定部駁核減銀兩出自民間辦買者概行給還戶科給事中姚文然言各省辦買豆米草料等項俱當官發價其藥材銅鐵絹布絲綿白麻魚膠顏料等項俱係民間辦買交官價係官發則部駁核減銀兩自應追還貯庫若出自民間駁減之後仍追銀貯庫實爲重困請嗣後將減價銀兩概行給還下部議行通考

十四年復減山西潞綢大小各百匹每匹并減銀五錢通典

二十二年令戶部給發執照聽渾河運木至天津貿易通典

二十四年以光祿寺估計物價頭緒繁多令凡應買各物俱照時價估計定爲條款嗣又以核減太多恐累商戶諭大學士等再行斟酌隨時估計通志

二十五年停四川採運楠木及直隸採辦皮張例增直省關差採買銅斤價於定則外每斤增大分五釐永爲定額通典

二十六年令估計採買物料皆依時價諭大學士等曰各項採買估計價值前浮冒欺飾者甚多是以令其核減今所減者太過恐致苦累可令察訪時價量度估計又諭凡繕修造工程其估計在前修造已完者仍照原估銷算通考

三十二年停減各省解送物料戶部遵旨上言各省解送物料共九十九項京中無貨買之物應令照舊解送外查所解印書紙張庫內現有存貯白銅無應用之處應停其解送青粉等三十八項價值并腳價合算比

在京師較貴應停其外解照時價在京採買應用或遇時價騰貴辦買不得者其題行令出產處解送從之通考

三十八年令皮張沉香等量用採買餘悉停止 諭大學士等曰每年所買皮張儘足供用多買亦奚用耶卽期朕內用沉香每年二百斤用尙有餘今辦解者已過數倍此等物件俱令察明量用採買其餘無用者悉停之通考

五十四年定採買銅鉛之例九卿遵 旨議寶泉寶源二局需用銅斤請勻交江南等處八省巡撫擇賢能官動正項採買鉛由戶部發銀給商人採買現今寶泉局銅少不敷鼓鑄所買銅鉛令其四月交一半九月全完嗣後俱照此例從之通考 互見錢法門 謹案通考原注採買銅斤暨疏通錢價各條有關市易行使謹職入市門至於禁用銅器收買小錢廢銅各條事關鼓鑄則別載錢幣門茲不複入云云今從之

五十九年吏科給事中紀遵宜言河工所需物料任河廳採買差役不無借端擾累嗣後凡置辦工料請飭河廳協同地方官平價購買並從之通志

雍正九年令八旗五城設局兌換錢文以平市價御史王雅言京師春初米價稍昂 恩軫念民食 特諭五城添設米廠減價糶賣羣黎無不均沾 聖澤但定例五城糶賣概用錢文交貯戶部目下錢價雖未高昂祇恐將來錢文積聚必至價昂查戶部每月給放兵丁錢糧原有搭放錢文之例可否於定例外暫增分數將五城交貯之錢配入搭放俟米廠停止仍照前例奉 諭旨錢文乃民間日用必需之物向以價值昂貴屢虞 皇考聖心數年以來朕備極焦勞所以爲便民利用籌畫經理者亦殫竭心思矣惟是欲價值之得平若遽

繼以官法又恐有生事滋擾之弊發米平糶以濟民食而令交納錢文本是便民之意今王珣又稱收錢既多則錢價必致漸長此亦事之所有不可不慮朕思錢價之不能平減者因兌換之柄操於鋪戶官府不司其事是以小人圖利得任意多取以使其私耳若照五城減價糶米之道將搭放兵餉之錢文令八旗於五城各設一局兌換與民照鋪戶之數多換數十文以銀一兩換錢一千文爲率如此則錢價不待禁約自然平減於民用似有裨益復 諭八旗都統等八旗所設錢局倘定價太賤則射利之徒賤買貴賣就中取利反生弊端今比民間價值每兩酌賤十數文逐漸減至每兩換大制錢一千文止其隨時減價之處八旗務須畫一辦理并知會步軍統領及察旗侍衛參領等留心察訪爾等亦不時稽查通考 互覓錢法門

又定疏通錢價應行應禁事例 一五城十廠糶米錢文發五城錢鋪照定價九百五十文兌換兌完即令官錢鋪將所換銀兩照時價收錢至八旗米局之錢亦交本旗錢鋪照五城例循環收換 一兵丁月餉現在一兩九搭放戶部卯錢及五城買米等錢共得二十四萬餘串官錢鋪既有銀兩兌換不必於庫內再發則八九十月餉錢皆可以二成搭放俟十一月以後仍照舊例行 一八旗五城現有錢文並所賣成色米錢定價每市平紋銀一兩換大制錢九百五十文俟市價漸增官價亦漸增以銀一兩換大制錢千文爲率不得因市價而遞減 一京城內有奸民勾通經紀預發本銀於大小鋪戶收買制錢多藏堆積俟錢貴始行發賣名爲長短錢飭令嚴行禁止其有販運出京及囤積居奇者罪通典

十一年 諭直省督撫飭令各藩司將各省牙帖因地制宜著爲定額報部存案不許有司任意增添致姦牙恃爲護符把持爭奪抽分利息令商民交受其累嗣後祇將各牙退帖頂補處查明換給新帖再有新開集場

應設牙行者酌定名數給發亦報部存案通典 互見牙帖稅

乾隆三年定宣屬採辦楊木長柴報銷之例奉 諭旨直隸宣化府屬懷來保安二縣採辦楊木長柴供 郊壇 宗廟焚帛之用向無開銷之例俱係兩縣捐資繼因添用柴薪又分派宣屬他縣協辦相沿已久朕思州縣公捐已取借端科派之弊不可不防其漸著從乾隆三年爲始將每歲需用楊木長柴按照辦解之數動用正項造入地丁冊內報銷令出產之懷來縣承辦以專責成倘有私行派累等弊該督卽行查參從重議處通考

又令東豫二省採買黑豆運通以供支放奉 諭旨八旗喂養馬駝黑豆在所必需今戶部因倉貯豆少請每月減半支放朕念若兵丁等自行添買不無多費且在京收買恐市價益復高昂今年山東河南兩省收成尙好應於山東採買五萬石河南採買三萬石共八萬石足敷支放著該部行文東豫二省巡撫酌量地方情形動支正項錢糧分令各州縣採買嚴禁短價病民及胥吏侵蝕等弊務須於河凍之前委員運送抵通勿致有誤臘月以後支放之用其豆價并脚費等項仍造冊報部核銷通考

五年增盜竄採買糧草價值奉 諭旨盜竄供支滿兵糧草向係每年採買散給共計白米一千五百餘石粟米七千餘石草一十三萬餘束其所定部價白米粟米每石價銀一兩草一束價銀一分今聞該地方自上年被災之後新寶二縣田地被水淹沒不能耕種已少產米糧數十萬石目下糧草之價日覺昂貴所定官價恐不敷採辦勢必貽累小民著將乾隆五年應支滿兵糧草白米每石加銀一兩粟米每石加銀五錢每草一束加銀一分如此則價值增添官民易於辦理但係格外之恩後不爲例該部卽行文該督撫知之通考

七年准步軍統領舒赫德議設錢牙十二名領帖充當以平鈔價其囤積錢文除當舖外各項鋪戶所買大制錢積至五十千以上者卽令赴市售賣居奇勒價者罪之通典

八年令民買牛者自相論價奉 諭旨上下兩江上年被水地方已經漸次澗出東作方興有資牛力凡民間買賣牛隻者俱聽其自相論價交易不許牙行從中需索有司亦不得視爲細事一任胥吏侵蝕中飽通考

且見牛馬等項雜稅
十六年令將平糶錢文照市價酌減以平錢價時順天府四路發米平糶所糶錢文經御史李文駒奏准上層四萬四千石之數易銀解部此番十萬石卽將錢文解部毋庸易銀至是順天府尹蔣炳言各廠官員惟恐多貯錢文致長錢價已經多方銷售不能仍存所糶之數請令各廠總以現存之錢儘數解部其已經易銀卽將銀解部更屬簡便奉 諭旨平糶錢文前據軍機處議覆御史李文駒條奏請解部搭放兵餉今該府尹等既奏稱不及十萬串爲數無多且待至搭放兵餉轉不能卽速流通著不必解部陸續交與八旗米局令其照市價稍爲酌減以平市價俾錢文不至壅滯通考

十九年議定鉛廠通商之例雲南巡撫愛必達言滇省採銅俱係官發工本除抽課外所獲餘銀官爲儘數收買以供鼓鑄例禁商販偷漏其卑塊舊馬者海等鉛廠向係廠民自備工本採辦各局鼓鑄錢文止照額用之數收買連供其餘概不置議與辦銅事例不同近年各廠產鉛旺盛除供買配鑄之外又奏准於卑塊廠每年收買餘鉛二十五萬觔留備鼓鑄若照辦銅之例官爲儘數收買所需工本銀兩一時難以歸款若令僅照官買供鑄備鑄之數按年採辦不特勢有不能更恐無以資其生計轉滋營私偷漏之弊請嗣後各廠採辦鉛觔

先儘官買額數其餘所出之錯按例一體抽課無論隣省本省准令廠民自行通商由布政使編發印票存貯臨時填給不許票外夾帶有私買私運者罪之部議應如所請從之通考 謹按採辦銅鉛各條別見錢幣門

二十一年定各省赴山西附辦民用礮之法先是江南湖北二省赴山西買礮除官用礮外合具文另買民用礮二三萬觔帶回而是部議巡撫明德奏礮一項各省民間所必需如銀匠藥鋪薰布薰帽煎煉銀珠取燈花炮之類在在需用若各省買有官礮零星賣與民間則奸民私販之弊不禁自除請行令不產礮各省督撫轉飭各州縣將該地方銀匠藥鋪等項每年需用硫礮若干查明定數照江南湖北例於採買官礮時令該鋪等出具鄉地鄰佑保結繳報官附辦運回分給應用其晉省各州縣亦照此例辦理從之通考

二十七年准江蘇辦解布疋工價以五錢核銷巡撫陳宏謀言辦解布疋工價既昂每疋五錢難以再減部議以辦解布疋定有額價該撫所奏與原編定額不符駁令核減奉 諭旨此案辦解棉布每疋定有原編額價該部自應核駁但據該撫稱現在花紗工價既昂著照所請暫准以五錢核銷將來一俟物價平減即令照舊

額辦理通考

又議將五城平糶錢文換銀繳部以平錢價時因五城設廠以米豆平糶所收錢文俱交戶部御史平治奏請將各廠所糶之錢兌換銀兩繳部以平錢價經大學士等議准并議從前平糶錢文俱准市販錢牙易銀交庫因恐奸牙囤積居奇於民間仍無裨益是以奏明交與步軍統領衙門出易及工程處給發工價令一面招商易換一面於上道工程處仍照從前舊例通融辦理調劑市價每南市錢平紋銀一兩二錢易制錢一千文所易銀兩既係錢平將來交庫時若依庫平收兌未免分兩不敷應仍即照南市錢平交庫查現在戶部庫存平

鑄錢八萬五千餘串又存廠錢一萬三千餘串應即行領出辦理外嗣後每日各廠所得錢文俱令按數交與步軍統領衙門陸續兌易京城內外有此十萬餘串錢文以資流通而每日平鑄錢文又可源源轉運歲底錢價自可不至加增至各鄉鎮來京貿易貨物之人售錢者居多若聽其裝載四出京城錢文仍未免短少應交各該衙門嚴行稽查除賈販小民以貨易錢數在十千以內者准其攜出各門外其數在十千以外者即令易銀攜回不許任意搬運再查向來每大制錢一千文市例扣底四文近來錢鋪竟有短至二十文者此又暗中增價巧於取利之一端臣等酌議每錢一千准扣底四文不許任意多扣倘因禁止短扣而於銀色平頭暗加多索者仍交與五城御史順天府及步軍統領衙門密訪拿究並得旨允行通考 議案平糶事別見倉庫

門

二十八年酌定順天府屬牙行事例按各牙行帖統計額缺八百九十一名向例由順天府通判管理遇有懸缺報明府尹衙門募補後各處貿易多寡不齊其綢緞桐油棉花藥材等行帖多貨少懸缺六十四名白炭江米猪肉酒戶石炭銅鉛錫等行帖少貨多至是經戶部議定令將現在所懸之帖發官查銷所遺懸缺即於帖少貨多之行准其認補通典 互見牙帖等項雜稅

又議令湖南採礦備隣省赴買并定官採硝助之例湖南湘鄉安化二縣山內產煤煤中夾有硫磺從前時開時禁二十五年議准巡撫馮鈴奏委員經管開採煤則聽民買用硫磺則官為收買至是復議准巡撫陳宏謀奏收買硫磺已屆二年其解省硫磺九萬一千三百六十三觔計湖南各營赴領并湖北赴買每歲需用硫磺不過五千餘觔現在積存硫磺八萬四千八百餘觔若因積硫已多將硫封禁則禁硫兼以禁煤於民間未便且恐因此

民間私自創煤並設計私煎轉致偷漏私礦查江南各營向係在山西購買路運費多若赴湖南購買長江水可達脚費較輕此外隣近各省凡有艱於運購者均令運咨赴買則礦礦既可常開而私礦自免偷漏又各省軍火需礦少而需硝多而硝出土中惟視天氣之陰晴以定出產之衰旺向來各省多係委員向硝戶零星收買不能一時足數而硝戶轉得潛行私賣是以禁例雖嚴終不免有偷漏之弊應照湖南礦廠現行之法令地方官勸支官項於出硝之時卽爲收買報明收貯官局將所收硝勛數目酌定官價由督撫核明咨令隣省齊價赴買按期運回不需委員守候零星收買所產之硝卽歸官局皆爲官硝責成地方官設法稽查民間自無私硝可售倘退出產數多之年亦可聽各省需硝營分多買備儲以資取用但各省產硝地方遠近不同所產之硝亦多寡不一應令各該督撫酌量本處地方情形悉心妥議辦理從之通考

二十九年令湖北需用硝勛准於本省煎運發營湖北各標營每年需硝五萬四千餘勛向俱委員赴豫購運至是總督吳達善言本省之松滋巴東鶴峰長樂等州縣所產土硝先經煎試足數應用其運脚之費較前亦有節省且可杜本地奸民偷挖之弊部議應如所請并將官辦商辦各價值及各該處運至省局道里遠近情形妥爲籌辦從之通考

三十五年內閣學士富察善奏請停糶麥石專賣麥麩以平市價於民食有益國積之弊亦不禁自除得旨允行通考

五十年諭軍機大臣等據鄂寶等奏奉天所屬地方本年秋收豐稔一切市糧價值較前均有減落現在查禁奸商收買囤積等語奉天收成豐稔米穀豆麥各項糧價較前更減小民當此慶豐之後其視米糧不甚愛惜